



# Synfocity = 826

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

February 3, 2022

- ❑ **Synod Mission Board vawi 174-na**  
February 2, 2022 (Nilaini) chawhma dar 10 khan Synod Ramthar Board meeting vawi 174-na chu J.M. Lloyd Hall, Synod Office-ah an thu.  
Meeting hi Synod Moderator Home Quarantine avangin Rev. F. Lalrinnunga, Ex-Moderator/Committee member-in a kaihuai a, Secretary Rev. R. Lalhmingsanga'n report a pe a, report-ah hian Missionary transfer-ten an hna an zawm tawh thu te, Field Secretary thar leh Bial thar hawn thu te, Jharkhand Field-a Genesis School, English Medium tura permission hmuh tawh thu te, Sub-Committee hrang hranga Board Executive committee aiawh ruat thu te, Missionary lak thar thu leh kum 2021 (January - December) chhunga ringthar 10319 an awm thu te tarlan a ni.  
Tun tum committee-ah hian thurel tur chhawpchuah panga(5) a awm a ni.
- ❑ **Synod Hospital Board vawi 140-na**  
February 3, 2022 (Ningani) hian Synod Hospital Board meeting vawi 140-na chu J.M Lloyd Hall, Synod Office-ah an thu.  
Meeting hi Synod Moderator Home Quarantine avangin Rev. Mangchhuana Sailo, Ex-Moderator/Committee member-in a kaihuai a, Secretary-in report a pe a, report-ah hian Director thar charge lak leh dah ngheh thu te, Chaplain inthlak thu te, Zirlai Hostel building hawn leh hlan thu te, B.Sc. Nursing zirlai ten Lamp Lighting & Oath taking an neih thu te, Charity puala sum pek thu te, ART Centre pual pindan tur buatsaih thu te, Oxygen plant chungchang te leh sum dinhmun te tarlan a ni.  
Tun tum meeting-ah hian thurel tur chhawpchuah paruk(6) a awm a ni.
- ❑ **Pro. Pastor Orientation**  
February 1 - 4, 2022 chhung hian Pro. Pastor lak tharte tan Pro. Pastor Orientation Programme, Synod Conference Centre, Mission veng-ah neih a ni.  
Orientation programme hi February 1, 2022 (Thawhlehi) zan khan hawna inkhawm neih a ni.  
Orientation chhung hian subject hrang hrang - Church Administration chungchang te, Inkhawmpui leh committee kalhmang te, Synod Rules & Regulation chungchang te leh thil pawimawh hrang hrang mi thiam hrang hrang te hnen atangin an zir a ni.  
Tun tum Orientation programme-ah hian Pro. Pastor 12 an tel a, Mission Field leh Manipur Area-a awmte chu Field Secretary leh Administrative Secretary-ten a tul anga lo kaihuai tura beisei an ni.  
Pro. Pastor Orientation hi Pro. Pastor lak thar te tana buatsaih thin niin kumtina neih thin a ni.
- ❑ **Synod Mission Board leh ram pawn chet velna**
  - ◆ **Pre-Service Orientation**  
February 1 - 28, 2022 chhung hian Missionary lak thar mi 50 te chuan Missionary Training College (MTC), Mission Vengthlang-ah Pre-Service Orientation hun an hmang mek a, Orientation chhung hian Mission hna a tana thil pawimawh leh tangkai tur te an zir dawn a ni.
  - ◆ **Jharkhand Mission Field**  
January 30, 2022 (Pathianni) hian ringthar 10 Lal Isua zui turin an inpe a, Roman Catholic atangin mi 1 kan Kohhranah a inpe bawk.
  - ◆ **Delhi Mission Field**  
January 30, 2022 (Pathianni) khan ringthar 11 Lal Isua zui turin an inpe.
- ❑ **MSSU**  
January 29, 2022 (Inrinni) khan Kanan Kohhranah Sunday School zirtirtu training neihpuiin Pu H.K Hmingthanzuala, Asst. Coodinator leh Upa Lalrosanga Kawlni, Trainer te an kal.
- ❑ **FG&CC**  
February 4 - 7, 2022 chhung hian Kristian Chhungkaw Campaign nei turin Tripur-ah Director Rev. Lalsangbera leh Upa Lalbiakmawia Khiangte, Committee member te an kal ang.

☐ **Synod Relief Fund**

Tun hnaia harsatna hrang hrang nei te hnenah Synod Relief Fund aţangin hetiang hian chhawmdawlina pek a ni.

<i>S.No</i>	<i>Khua</i>	<i>Pek chhan</i>	<i>Chhungkaw zat</i>	<i>Pek zat</i>
1.	Tlangnuam West	Khawsak harsa	1	Rs. 5,000/-
2.	Palsang	Damlo	1	Rs. 8,000/-
3.	Phullen Vengthar	Damlo	1	Rs. 8,000/-
			<b>Total</b>	<b>Rs. 21,000/-</b>

☐ **Hruaina Eng FM Radio :**

**FEBRUARY 4, 2022 (Zirtawpni) (FM Zoawi - Aizawl & Lunglei @ 7:30 p.m.):**

<i>Solo</i>	: V.L Neihthangi - Beiseina nung
<i>Zaipawl</i>	: ATC Male Voice - Beiseina reng neilo te tan
<i>Thusawi</i>	: Rev. V.L Krawschhuanmawia - Beiseina
<i>Solo</i>	: B. Lalsangliana - Krista kan beiseina
<i>Zaipawl</i>	: Bethlehem Kohhran Zaipawl - Ka lungkham ram engmawi.

☐ **Susamachar Prasaran Programme :**

**FEBRUARY 6, 2022 (Pathianni) 5:00 pm. :**

<i>Group/Choir/Solo</i>	: Lunglei Area Masihi Sangati - Yisu lio tera nam
<i>Group/Choir/Solo</i>	: Champhai Vengthlang Pastor Bial - Hamara Kal
<i>Sermon</i>	: Lalhmingthanga
<i>Group/Choir/Solo</i>	: Siyon Swaram - Bharat Desh Mahan
<i>Group/Choir/Solo</i>	: The Leprosy Mission Choir - Ham Soup Te He

☐ **Moderator leh Executive Secretary-te Programme:**

**Rev. Dr. Vanlalnghaka Ralte : Moderator**

Feb. 9, 2022 Manipur Area Committee

**Rev. C. Zoramawia : Senior Executive Secretary**

Feb. 9, 2022 Manipur Area Committee

**Rev. V.L. Luaia Hranleh : Executive Secretary**

Home Quarantine avangin Programme a nei rihlo ang.

**Rev. Dr. K. Lallawmzuala : Executive Secretary**

Feb. 8, 2022 Synod Worship Committee & PCI Executive Committee (Online)

Feb. 9, 2022 MDTC Committee & Vety Clinic Hawn, Bualpui

Feb. 10, 2022 Synfo Committee

Feb. 11, 2022 Synod Social Front Committee

**MISSIONARY TRAINING COLLEGE (MTC) HRIATTIRNA**

Missionary Training College (MTC)-ah Bachelor of Missiology (B.Miss) zir duh tan dil theih a ni leh ta. Dilna Form leh Prospectus hi Rs 50/- in office hun chungin MTC Office aţangin lak chhuah theih a ni e.

Dil thei chin	: CI - XII pass chin
Dilna theh luh hun hnukung	: 18 February, 2022 (Friday)
Entrance Test	: 1 March, 2022 (Tues); (9:30 AM @ MTC)
Interview	: 3 March, 2022 (Thurs); (10:30 AM @ Synod Committee Room I)

*Sd/-*

Principal

Missionary Training College

Mission Vengthlang

Ph. No. : 2310157/2301337/9612164982

**OFFICE CIRCULAR NO. 69 OF 2022**  
**(Bial Treasurer hnena ngenna)**

Covid-19 hripui leng avangin kan kal dan pangngai anga kal theih loh na chen a awm a. Office dawr tute pawhin min hriatthiam kan beisei.

Synod Office-a sum chhun luh chungchang-ah Bank kal tlang a tih theih hram nise a duhawm hle. Hei hi Sum tam tham kuta ken a him loh avang leh, Hripui laka kan him theih nan thil pawimawh tak a ni. Bial Treasurer ten Synod a thawhlawm chhung lut tura Bank an dawrna sen so pawh pek theih a ni ang. (*Vide Synod Sum vawn Dan 2011:11 No. 17 Page 5*).

A theih chen chenah *Bial Treasurer ten kan zawm theih chuan* a lawmawm hle ang.

Form M&C leh Bank receipt te email emaw whatsapp a rawn thawn ni se, kan dawn-na receipt pawh kan rawn thawn let ve zel ang.



(REV. ZORAMAWIA)  
Senior Executive Secretary,  
Mizoram Synod

**ATC-a D.Th. Zir Tur Zawna**

Mizoram Synod Theological Education Board chuan Aizawl Theological College-a "*History of Christianity*" subject-ah kum 2022-2023 atanga D.Th. zir tur dilna a hawng a. Dil duhte chuan Dt. 18.02.2022 (Friday) aia tlai lovah a hnuai hming ziak hnenah dilna thehluh tur a ni. Dil tute chuan Theological Education Marksheet leh Certificate te thil tel tur a ni ang. A dilna form hi ATC website - [www.atc.edu.in](http://www.atc.edu.in) ah download theihin a awm e. online leh hard copy-a thehluh tur a ni ang.

Admission leh D.Th. Programme hi Senate-in a phal dan a zir a kalpui tur a ni ang.

Required Qualification : M.Th. B Grade & above with CET passed.

Last Date of Submission : 18.02.2022 (Friday)

Date of Interview : 24.02.2022 (Thursday)

*Sd/-*

(Rev. Prof. Tlanghmingthanga)  
Secretary

Synod Theological Education Board  
Aizawl Theological College  
Durtlang Leitan, Aizawl